



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e-mail: info@voda.ba

Broj: **UP-1/21-3-40-601-5/23**
Datum: **26.01.2024. godine**

„Agencija za vodno područje rijeke Save“ Sarajevo rješavajući po zahtjevu Investitora „CROA“ d.o.o. Vitez za donošenje rješenja o vodnoj dozvoli za aktivnosti koje mogu imati specifične uticaje na vode prilikom izvođenja aktivnosti na lokaciji koja se koristi za skupljanje i reciklažu posebno izdvojenih materijala, na lokalitetu u naselju Šantići, općina Vitez na osnovu člana 139. stav (1) tačka 10. Zakona o vodama („Službene novine Federacije BiH“, broj 70/06) i člana 200. Zakona o upravnome postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola pravnom licu „CROA“ d.o.o. Vitez za aktivnosti koje mogu imati specifične uticaje na vode prilikom izvođenja aktivnosti na skupljanju, skladištenje i reciklažu posebno izdvojenih materijala, na lokalitetu u naselju Šantići, općina Vitez, na k.č. 251/2 i 2511/3, K.O. Vitez, općina Vitez.
2. Ova vodna dozvola se odnosi isključivo za aktivnosti koje mogu imati specifične uticaje na vode sa lokacije definirane tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za zahvaćanje vode i ispuštanje sanitarnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Kantona Središnja Bosna u skladu sa članom 139. stav 2. tačka 1. i 2. Zakona o vodama.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na predmetnom lokalitetu i pod slijedećim uvjetima:
 - 3.1 Da korisnik izgrađenih objekata i instalirane opreme koji se koriste za skupljanje, skladištenje, obradu i reciklažu posebno izdvojenih materijala, održava u funkcionalnom stanju i koristi u skladu sa njihovom namjenom i uvjetima iz ove vodne dozvole.
 - 3.2 Da korisnik navedenih objekata za vrijeme trajanja ove dozvole, osigura da prečišćene, otpadne vode sa lokaliteta koji se koristi za skupljanje i reciklažu posebno izdvojenih materijala nesmetano sakupljaju i odvođe do lokalnog potoka. Prečišćene oborinske/otpadne vode moraju ostati u maksimalno dopuštenim granicama definiranim članom 14. Uredbe o uvjetima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20 i 1/24).
 - 3.3 Objekte čija je svrha odvođenje i prečišćavanje onečišćenih voda (taložnici, slivnici i rešetke, kanalizacijska mreža) treba redovno održavati i koristiti na način koji će osigurati njihovu potpunu ispravnost i funkcionalnost.
 - 3.4 Skupljanje i skladištenje metalnih, sekundarnih sirovina vršiti isključivo na betonskoj podlozi s izvedenim sustavom odvodnje prema taložnicima i sustavom prečišćavanja i preko kontrolnog šahta iste upuštati u lokalni potok.
 - 3.5 Da se sa opasnim i štetnim materijama (auto akumulatori i ostali otpad koji sadrži štetne materije ili tečnosti) postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, uslijed izlivanja kiselina i drugih štetnih materija, takve materijale isključivo skladištiti u vodonepropusne kontejnere u natkrivenom prostoru.
 - 3.6 Osigurati priručna sredstva za brzu intervenciju u slučaju nekontroliranog istjecanja nafte i naftnih derivata kao i ostalih štetnih/opasnih tečnosti i materijala na površinama po kojima se kreću strojevi i vozila na SUS pogon kako bi se spriječilo moguće onečišćenje voda i tla (piljevina, prikladni absorbenti, odgovarajuće posude, uređaji za pretakanje i sl.).
 - 3.7 Skladištenje bilo kakvog materijala se ne smije ni privremeno odlagati na česticu „vodno dobro“, odnosno u vodotoke i na njegove obale kao ni zelene površine.

- 3.8 Da se redovno vrši monitoring prečišćene otpadne vode iz svih ispusta shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uvjetima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 23/17 i 41/20).
- 3.9 Da se kod održavanja poslovnog objekta praktikuju suho čišćenje radnih površina i opreme, prije pranja vodom, kako bi se smanjila količina otpadnih voda i teret zagađenja, a time i racionalno koristila voda.
- 3.10 Da se, u skladu sa propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.11 Ukoliko Vlada kantona propiše dodatne (strožije) uvjete za ispuštanjem otpadnih voda u površinske vode, od uvjeta definiranih Uredbom o uvjetima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontroli izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
5. U periodu važenja ove dozvole, „CROA“ d.o.o. Vitez je dužan provoditi sve mjere i aktivnosti propisane istom.
6. U slučaju izvanrednih situacija, nekontroliranih onečišćenja i drugih sličnih okolnosti, čime bi bio ugrožen kvaliteta podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete trećim licima nadoknaditi.
7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog kompleksa obuhvaćeng ovom vodom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 129. stav 1 Zakona o vodama („Službene novine Federacije BiH“ broj 70/06) se daje sa rokom važenja od pet (5) godine od dana pravosnažnosti rješenja.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.

O b r a z l o ž e n j e

Investitor, „CROA“ d.o.o. Vitez obratio se ovoj Agenciji sa zahtjevom za izdavanje vodne dozvole za aktivnosti koje mogu imati specifične uticaje na vode a odnose se na skupljanje i reciklažu posebno izdvojenih materijala na lokalitetu u naselju Šantići, općina Vitez, izrađenog na k.č. 251/2 i 2511/3, K.O. Vitez, općina Vitez.

Uz zahtjev je dostavljena slijedeća dokumentacija:

- Rješenje o izmjenama podataka u sudski registar izdata od strane Općinskog suda u Travniku SBK broj 051-0-Reg-18-000403 dana 10.08.2018 god.;
- Uvjerjenje o registraciji poreznog obveznika izdata od strane Porezne uprave FBiH- Kantonalnog poreznog ureda Novi Travnik dana 30.08.2018 god.;
- Rješenje o odobrenju za upotrebu izdata od strane Službe za opće poslove –Općina Vitez broj:02-23-3-1485/99 dana 11.01.2000 god.;

- Rješenje o ispunjavanju zahtjeva o tehničkoj opremljenosti poslovnih prostorija za obavljanje djelatnosti prikupljanja i skladištenja otpadnih materija sekundarnih sirovina izdana od strane Ministarstva privrede Travnik SBK ,broj :03-18-2890/18 dana 27.11.2018 god.;
- Rješenje o izdavanju dozvole za upravljanje otpadom izdana od strane Ministarstva prostornog uređenja, zaštite okoliša, povratka i stambenih poslova SBK, broj.07-19-12289/23 dana 6.12.2023 god u Travniku ;
- ZK izvadak izdan od strane Općinskog suda u Travniku –Zemljišnoknjižni ured broj:051-0-NAR-18-005998 od 13.11.2018 , K.O. općina NP_VITEZ –Zemljišnoknjižni uložak broj:3038;
- Rješenje o VD izdana od strane MPVŠ SBK broj: 06-21-11784/23 dana 12.12.2023 god u Travniku;
- Rješenje o prethodnoj vodnoj suglasnosti izdana od strane MPVŠ broj:05-25-821/18 dana 29.11.2018 god.;
- Izvještaj o monitoringu kvaliteta i kvantiteta otpadnih voda za pogon CROA VITEZ br. izvještaja 1714/23 urađen od INSPEKT RGH doo SARAJEVO studeni 2023 god.;
- Studija za vodnu suglasnost –Povremeno odlaganje olovniha akumulatora i obojenih metala urađena od strane Perspektiva inženjering doo Visoko 10/ 2023 god.;
- Glavni projekt vanjskih hidroinstalacija, oznake VS.04.AO.PER.I/24, urađena od strane Perspektiva inženjering doo Visoko 1/ 2024 god.;
- Izvještaj broj.25/23-EKO o izvršenom ispitivanju i kategorizaciji otpadnog mulja od neutralizacije otpadnih voda u pogonu obrade istrošenih olovniha akumulatora i metalnog otpada CROA doo VITEZ izrađen od Univerzitet u Zenici –Institut "Kemal Kapetanović" Zenica od 12/ 2023 god.;
- Investiciono tehničku dokumentacija izrađena od strane Perspektiva –inženjering doo Visoko šifra VS.04.AO.PER.I/24 iz 1/2024.;
- Ugovor o izvođenju radova zaključen između ugovornih strana br.0050/24-DS dana 10.01.2024 god.;
- Ugovor o pružanju komunalnih usluga broj: 01-3838-2/18 dana 13. 11.2018 god.;
- Uplatnica po zaključku o visini i roku pl. posebnih troškova od strane Croa doo Vitez uplaćena 05.01.2024 god.
- Kopija uplatnice o plaćenju upravnoj pristojbi;

Nakon pregleda dostavljene dokumentacije, u skladu sa članom 12, stav 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19 i 41/20), izvršen je obilazak poslovnog objekta i tom prilikom je sačinjen zapisnik o uviđaju broj: UP-1/21-3-40-601-4/23 od 18.01.2024..

Na osnovu uvida u dostavljenu dokumentaciju i izvršenog uviđaja na licu mjesta utvrđeno je sljedeće:
„ CROA“ d.o.o. Vitez je locirana u naselju Šantići na parcelama označenim k.č. 2511/2 i 251/3, , K.O. Vitez, općina Vitez.

Prostor za obradu i privremeno zbrinjavanje olovniha akumulatora provodi se u dvije , zatvorene hale površine 1019 m2.

U procesu obrade i reciklaže istrošenih olovniha akumulatora nastaje tehnološka otpadna voda od pranja izdvojenih dijelova akumulatora i po potrebi drugog otpada, koja se cjevovodom dovodi do vodonepropusnog spremnika u kojem se odvija proces neutralizacije a nakon visokog stupnja prečišćavanja procesom recirkulacije , prerađena voda se vraća u tehnološki proces pranja.

Nakon obrade dijelovi olovniha akumulatora se zbrinjavaju u vodonepropusne kontejnere, prilagođene za daljnji transport.

Vodonepropusni spremnik je potpuno natkriven i zaštićen od miješanja s oborinskim i drugim vodama.

Vanjska manipulativna površina je u potpunosti asfaltirana s izgrađenim sustavom odvodnje prema separatoru masti i ulja s prelivom , preko kontrolnog šahta, u lokalni potok.

Sanitarno fekalne vode se upuštaju u trokomornu septičku jamu s prelivom u lokalni potok.

Izvještaj o ispitivanju kvaliteta tehnoloških otpadnih voda se provodi dva puta godišnji i izvještaj br.1714/23 izrađen od „ INSPEKT RGH“ d.o.o. Sarajevo iz 12/2023, ukazuje da su svi parametri ispuštene vode u lokalni potok (uzorak uzet na ispustu iz septičke jame i kontrolnog šahta) u dozvoljenim granicama sukladno važećoj uredbi o uvjetima ispuštanja otpadnih voda u okoliš i sisteme javne kanalizacije.

Objekt se ne nalazi u vodnom dobru.

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uvjeti u skladu sa članom 116. stav (1), članom 117. Zakona o vodama i članom 13. Pravilnika o sadržaju, obliku, uvjetima načinu izdavanja i čuvanja vodnih akata.

Na osnovu provedenog postupka konstatira se da je podnosilac zahtjeva „CROA“ d.o.o. Vitez, ispunio minimum uvjeta za izdavanje vodne dozvole za promet ispuštanjem oborinskih, onečišćenih voda u prirodni recipijent sa lokacije te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradio:

Marko Barić, dipl.ing.grad.

Po ovlaštenju
Rukovodilac sektora za izdavanje vodnih akata

Haris Ališehović, dipl.ing.grad

Dostaviti:

- „CROA“ d.o.o. Vitez, Šantići bb, Vitez.
- AVP Sava, ISV-vodna knjiga
- Sektor 50.
- Sektor 40, arhiva
- Oglasna ploča-AVP Sava